

寧武總兵孫顯祖敗賊於方泉縣賊走夏縣洪水鎮佯乞托
夜襲顯祖營以有備而遁追斬八十五級

十二月乙巳朔庚午吏科都給事中顏繼祖上言考選科道二
十餘人方重國課曰司農田奏混寫開復再煩駁查已列簪
筆侍從之班杜門維谷殊多未便 上切責之時考選科道
後更核在任錢糧於是戶部尚書畢自嚴下獄熊開元鄭友
玄俱謫自後考選將及先核錢糧不問抚字專於催科此法
制一變也

孔有德破臨邑

癸酉巡抚登萊右僉都御史孫元化劾親抚孔有德初元化

謂欲復遼土宜用遼人欲固遼心宜得遼將故徵遼將孔有
德耿仲明等

甲戌孔有德連陷商河新城巡抚余大成不能禦稱疾遣材
官往諭不聽遣中軍沈廷諭以兵往肩輿赴陣不事介胄而
敗

李孫震為南京礼部尚書鄭宗周為右僉都御史巡抚天津
前大李士孫承宗命冠帶閑住奪世廕以長山之敗生矯旨
復城

官兵繫葭州賊斬九十七級

進祖大壽少傳左都督大壽守大凌城被圍日久食匱援兵

不赴遂以城降而身自逃歸或云已輸誠建州約歸即奉入
城尽降故縱之然歸既為國堅守雖其子在建州不之顧也
甘泉賊陷宜君縣又陷葭州兵備倉事郭景嵩死之

丁丑洪承疇聞變自西川疾馳會總兵曹文詔副總兵張全
昌合剿

庚辰登萊總兵張可大至朱橋驛值孫元化還登州言抚綏
已定毋西行蓋信其不及也可大叩其詳始知叵測仍西行
元化竟檄止之

甲申刑科給事中吳執御請还原任兵科給事中魏呈潤原
任南京雲南道御史李曰輔不許

己酉孔有德攻青州

陸完奉為兵部尚書協理京營戎政

總兵陳洪範鎮守居庸昌平

己丑前南京工部右侍郎何喬遠卒晉江人萬曆丙戌進士
性廉介家居日釋經纂史文行俱高邁所著名山藏閩書數
百卷不媿古良史年七十五予祭筮贈工部尚書

孔有德逼黃縣不反千騎餘俱烏合矣六盡惜無禦者

庚寅孔有德攻登州初至登州泥水山困乏孫元化令夜丁
乙登雲書諭之有德始營山下夜攻城東南卻之初元化素
諳西洋火器又召香山澳夷訓練賊窮蹙偽請降

總督洪承疇報抗賊張獻忠羅汝才等千九百餘人 上憂
延綏賊蔓以陝西巡按吳甞請餉及洪承疇疏俱奉旨責
戶兵二部不覈兵部尚書熊明遇請措二十萬金接濟秦中
寧縣大雪五日凍斃人畜

辛卯孔有德回掠臨邑孫元化與遼將耿仲明定計招抚
甲午總兵孫顯祖於河津聞喜六戰皆捷共斬五百八十餘
級時鄉寧被賊最慘聞喜次之叅將周應乾被執剖死
戊戌盜掠永年縣

逮巡抚雲南右副都御史王伉巡按御史趙洪範以沐氏王
含善若声作乱

是年 上念孝純太后無御容命新樂侯劉氏求子弟貌似
者圖之又繪 孝元太后御容於博平侯家並如前法迎入
大明門 工早出百官多未至

楊士聰曰 孝純御容偶得於新樂之子弟既已奇矣乃
孝元亦依倣為之豈見天之姿定有一親屬完肖以待夫後
來之傳寫乎此等典禮決當諫止而竟無一人言者

日講官礼部右侍郎羅喻義講尚書惟我商王布昭聖武章
送閣臣温體仁載其半以所引京營大閱也喻義執不可因
上疏自明體仁言舊例惟經筵進規多於正講日講則正講
多進規少喻義以日講而用經筵之例駁改不聽自媿不能

表率後進聖聰天縱喻義曉：多言遂命閑住

士申崇禎五年

正月己亥朔大風霾

庚子登萊總兵張可大令副總兵張燾與邵國祚川兵共二千六百人戰城東燾兵忽戴紅巾反戕官兵殲焉游擊陳良謨死之

辛丑登州城陷時孔有德上書孫元化元化信其言午刻開門納張燾兵三百人蓋偽降也各官力阻不聽置於太平營夜漏十刻內應開東門殺官吏紳民凡盡執孫元化及海道宋光蘭監軍道王徵知府吳維城同知賈名傑蓬萊知縣秦

世英及鄉紳梁之垣拘於游擊耿仲明宅脅元化移余大成書求秦赦願恢復遼東賊更造舟募兵居七日適有舡航海賊縱元化等歸

壬寅總兵左都督張可大夜冠登城 樓北向拜手及二妾壁端題登萊總兵張可大死難 事聞贈太子少傅

予祭塋立祠曰旌忠謚莊節可大南京羽林衛指揮使孝友好古有駛雪壺詩集

初叛兵攻城登人告急宋光蘭曰自有防院元化曰別有計及陷叛兵欲殺光蘭因自叙清操而釋有德殺故河州判官張瑤後贈太僕寺少卿

延綏賊十餘人偽米商入宜君縣明日又至十餘人是夜賊
攻南門內應陷知縣李迪康守備田恭把總馬騏等俱遁明
日賊又引去後迪康論戍守備田恭論死

癸卯賊復陷保安縣又陷合水縣時總督洪承疇被劾巡按
御史李應期奏洪承疇曉暢賊情任之就可展布也

流賊陷蒲州永寧且大掠稷山絳州太平霍州隰州吉州卿
寧山西巡抚宋統毅提兵援剿巡按御史羅世錦歸咎於秦
謂以隣為壑給事中裴君暘晋人也上言責成秦之抚鎮驅
之回秦而後再討剿抚蓋當事之無定見如此

總督洪承疇請留陝西餉銀二十萬資剿費并以勸農從之

大盜黃友才逃鉄角城与郝臨菴等合營謀攻環縣署印寧
州同知趙應閣惧而自經總督洪承疇貽書吳姓欲趣曹文
詔張應昌兵自環而南楊嘉謨趙光遠兵自環而北大拳合
剿而詘於餉於是吳姓請增兵措餉命下部議

初寧塞逸賊合環慶諸寇陷鎮原縣知縣董三謨同妻李氏
死之事聞贈光祿寺丞立祠旌李氏賊屯於蒲河欲犯平涼
走鳳翔漢中陝西巡抚練國事自涇州馳赴固原檄固原道
王振奇同副總兵王性善等截守各隘口檄平涼道徐如翰同
副總兵董志義守涇州各要害又檄總兵楊嘉謨游擊趙光
遠緝奸殺賊塘馬斫其耳目賊遂不敢出又食之互疑總督

洪承疇從薊州間道馳至慶陽曹文詔以臨洮兵二千至寧夏絕兵賀虎臣兵六至會於西隩各夾擊盜汰小十餘戰追奔數十里傷墜亡笑楊嘉謨斬二百二十五級曹文詔斬三百八十三級賀虎臣斬三十級王性善斬三百二十六級趙光遠斬九十七級而寧塞之寇尽矣練國事遂移鎮寧州時以西隩之捷為用兵來第一

吳偉業曰秦寇初發難也延綏以北為逃兵為邊盜延綏以南為土寇為飢民邊盜則神水之王嘉胤靖邊之神一元為魁而支蔓於綏德之張存孟延安之郝臨菴也土寇則西川之王子順苗美清澗之趙勝為魁而支蔓於中部

之李老翁延川之劉几思也延慶平几無淨土矣

夜常德府大火

甲辰羅汝元為右都御史巡撫浙江

庚戌故大孝士劉鴻訓卒長山人萬曆癸丑進士崇禎初直

閣坐改勅書戍代州終於戍所訃聞許歸葬

辛亥孔有德陷黃縣

壬子楊嗣昌為右僉都御史巡撫山永

陝西巡撫練國事擊賊澄城斬三百餘級

癸丑巡撫山東右僉都御史余大成免

乙卯徐從治為右僉都御史巡撫山東謝璉為右僉都御史

巡抚登萊

戊午洪承疇擊賊槐安堡斬四百三十級賊雖奔竄尚破華
亭擾莊浪而官兵追捕漏刃破胆矣初韓城安塞安定諸寇
承疇偕曹文詔先後清盪而鉄角城乃邊盜藪賊魁却臨菴
因援中部為王師所敗耕收鉄角城為持久計聞他盜尽平
則震惧虎兕四錐子山之賊大敗遂斬却臨菴蓋秦事自西
隩捷後軍声大震曹文詔忠勇善戰承疇与下同甘苦得士
卒心轉戰四載斬級三萬西人稍休息焉然二憊矣
己未山東巡抚徐從治入萊州同知府朱萬年治城守
庚申叛兵蕩萊州

逮故巡抚孫元化余大成後元化論死八成遣戍

癸亥威縣紅風晝晦

甲子陝西卿紳通政使馬鳴世等上言三秦為海內上游延
安慶陽為關中藩屏榆林人為延慶籬籬無榆林必無延慶
無延慶必無關中矣乃自盜氛以來破城屠野四年於茲良
以盜衆我寘盜飽我飢盜利械彊騎而我無鉄甲壯馬內鮮
及時之餉外乏應手之援揆厥所由緣廟堂之上以延慶視
延慶未嘗以全秦視延慶以秦視秦未嘗以天下安危視秦
而且誤視此流盜為飢民為降丁也今勢熾燎原莫可撲滅
若非廟堂亟增大兵措大餉為一勞永逸之計恐官軍騫於

東賊馳於西師老財置揭竿誰禦天下事尚忍言哉乞勅所
司亟措餉二十萬給民牛種為兵犒賞急圖安戢庶全秦安
而各鎮安矣

降盜申在庭馬丙責叛樞葭州之荷葉坪參將唐通以八百
人擊走之斬百十二級又降盜党雄王得責以千餘人攻綏
德州復掠州東之義合驛總兵王承恩擊斬二百二十餘級
巡抚張福臻計誘党雄等八人斬之

乙丑刑科給事中吳執御奏荐黃克績劉宗周姜日廣文震
孟陳仁錫黃道周曹于汭惠世揚高應昌羅喻義惟 皇上
鑒而用之 上責其徇監

丙寅河套着力寇以三百騎近塞稱揮漢虎墩寇懇求款總
兵曹文詔在暗門同定邊副總兵張應昌同知趙之庠議決
丁卯前總兵孫顯祖有進丁誘定邊降寇內應措守東西二門
招着力寇入之千總張射奎王希武出城拒截曹文詔等各
擊斬百四十餘級千總李世科陣沒文詔奉檄還靖边初夷
丁哈台吉原遼東海西部落因避建人來歸分置各鎮哈台
吉等百余人居定邊文詔剿山西盜頗得其力自寧塞告變
文詔回秦夷丁謂定邊空虛潛購套虜以畔幸文詔內戰逐
之城外

叛兵攻萊州楊御蕃戰失利入萊城見攻不休

張應昌擊黃友才斬百三十六級賊又攻環縣吳姓駐慶陽
斬百三十六級賊奔追斬五百八十餘級黃友才崔大進俱
伏誅

戊辰總兵王洪潰於新城回萊州

二月己巳相登萊巡撫謝璉入萊州

庚午德陵成進周延儒少傅兼太子太傅吏部尚書建極殿
大學士溫辭仁吳宗達少保兼太子太保戶部尚書武英殿
大學士何如罷太子太保各賜金幣餘文武內臣賞賚有差
辛未試御史吳彥芳言正人蟻伏尚多邪類鴟班半擬如吳
執御所奉曹于汴易應昌等續荐李瑾李邦華畢懋康倪思

杜文煥禦之始退而盜為魯所強半辮髮西走保安定邊遂
空

己卯盜薄慶陽副總兵張應昌追反之擊斬百餘級圍始解
庚辰盜掠合水官兵擊之失利

壬午高弘圖為工部右侍郎劉漢儒為右僉都御史巡撫四
川

癸未寧塞逋寇復熾

甲申巡按山東御史王道純言三事曰分移駐新抗臣徐從
治防臣謝璉不宜並城一移駐萊陽相犄角曰須精兵孔有
德所畏惟蔑丁川兵耳合山東兵萬人保安天津兵四千人

若再得邊兵或川兵千人始可靖亂曰慎招安彼既叛止毋論招不來即來而收之保無奸人內應乎惟過菜入登在彼招安為便也

丁亥海寧捍海塘成

山西盜熾

庚寅盜夜入酈州兵備急事郭應響出禦死

癸巳總兵曹文詔自定邊敗盜於南家寨斬百十九級

乙未盜四千餘犯武鄉殺守備張一龍又樂平鄉兵六百人禦賊而敗此曹文詔殺餘之賊也

三月戊戌朔辛丑工部右侍郎高弘圖上言臣部例有公座中

輝程紹劾章光岳呂純如 上以其朋比下彥考執御刑部獄坐奏事上書詐不以實律為城旦報可

癸酉參將彭有謨以南兵三百入萊城共守初萊人乞援於總兵劉國柱國柱入山東境不進兵部督書主事張國臣議抗中朝皆倚之謂抗成則萊圍自解姑以援遠為名耳

甲戌故登萊巡撫孫元化海道宋光蘭監軍道王徵登州知府吳維城同知賈名傑蓬萊知縣蔡世英昌邑主簿李仲明苛跡至天津俱叛兵繼之航海也巡撫鄭宗周以聞

張延登曰登州之陷初起於三方布置毛文龍遂雄據皮島劉興治黃龍沈世奎相繼已成唐藩鎮自立之勢孫元

化作抚遂成孔有德之变而東萊慘矣總鎮內監再設再添
遂效高麗折入建州沈志祥作乱而黃監軍殺矣善子遠
抚方一藻疏曰東島地處一隅一二偏將可供哨探之用
乃大帥虛設群小交聚不尽殘東省黎庶未已也大抵禍
患之來必有所自起非驟至也不有四路進兵紅旗催戰
則遼兵不失不有三方布置遠將內用則有德何從反不
有邊兵之調則流賊無自生不有遠逆嚮導則建州何敢深
入而濟南何自陷前車覆矣後車不戒今日猶遵其敗輒
為聖書何耶

丙子保安盜購魯八百餘騎夾攻總兵賀虎臣潰走前總兵

尚書旁侍郎禮也內臣張彝憲奉總理兩部之命與臣部分
賓主以辱朝廷戶部公座原以尚書長侍郎傳今加彝憲一
公座則臣今日之為侍郎也傳尚書乎抑傳內臣乎臣不容
不慎故僅接之川堂而公座毋寧已之雖大拂彝憲之意而
臣不顧也且總理公署奉旨另置宜即設一公座以見朝廷
之臣也部公座仍還之臣部豈不名正言順而內外得乎乎
上以糧應到部驗核六堂公座事如舊例弘圖遂引疾求去
不允疏七上削籍

談遷曰 思宗鑒魏氏之禍夙收璫柄中而借叢嘶命四
遣特据公卿之上高司空耻於隅事引疾堅往志節嶙峋

不污雖與日月爭光可也公座擬音當出宜與聞司室引
疾時宜與過候夫不優人以禮而私示款曲彼容悅之臣
烏足論哉

癸卯 上幸大季行釋奠禮先期徵衍聖公孔胤植五經博
士顏光魯曾承業孟弘譽陪祀

兵部贊畫主事張國臣出抗叛兵巡抗徐從治奏其非計言
抗使一出則攻城益急國臣曰戒不當絕城出擊以怒之也
果尔必使叛兵任意攻圍我拱手以萊授之如孫元化之於
登城而後可成國臣之抗乎當叛兵之過青州也旧抗臣余
大成擁兵三千追擊甚易元化遺書云賊已就抗兵不可東

以壞抗說大成如其戒而止及至登城知張燾兵已順叛人
使領兵出戰又聽賊誑言開門揖盜致數十萬生靈盡為流
血今萊城被圍或為之解曰吳橋激變有因也一路封刀不
殺一聞詔使遂止兵不攻也吾誰欺：天子今元化入京又
得國臣偽報盈庭集議以為一紙賢於十萬援兵絕跡賊此
故矣臣必死守必不敢以抗之一言面謾至尊敗封疆而戕
民命也奏入朝議不以為然盖周延儒主之上心動命兵部
右侍郎劉宇烈總督山東軍務計之

己巳總督朱燮元一品考滿進少傅兼太子太傅
孔有德以舟三十艘招皮島將陳有德有德誘殺二島將以

三十人入登州

丙午太監張英憲奏省直料值欠百餘萬命工部開教立限完納命戶部覈兵數額餉浮餉增於何自始於何年逐一開奏

丁未申軍机世漏之禁

戊申 穆廟德妃李氏薨

己酉御史李應荐言 皇上謂太李礼先師始知國李為天子之孝天子視李為國李盛事則向之禁止講院益為無名庚戌前戶部尚書張我續下法司追贓保定巡抚丁魁楚言其逆党遺奸也

癸丑命礼部祈雨

庚申命宋光祚督築李侍口决堤

壬戌賊自武安監陷華亭甲子遁

內丘縣扁鵲廟廣生殿火木石俱燼神鬚如故

四月戊辰朔庚午總兵鄧元王洪以川兵萬二千人自昌邑東援距萊城四十五里不進且通叛兵

辛未總兵曹一詔追賊張麻村共斬五百二十九級固原兵六斬一百十七級

丁丑曹文詔楊嘉謨追賊耀州之咸宜岡斬一百九十餘級己卯萊城兵出外搜糧夜掠凡四百人

副總兵張全昌擊賊耀州斬四百六十四級

壬午曹文詔揚嘉謨戰隴安司斬三百五十九級

癸未叛兵攻萊城西南隅廵抚右僉都御史徐從治中砲卒
海鹽人萬曆丁未進士變聞予祭葬贈兵部尚書廕錦衣衛
百戶立忠烈祠

錢謙益曰中樞條工方略固曰萊抚守萊東抚駐青調度
公不入萊可也公不入萊必不死公之意以為東抚控壓
全齊馳青不足以鎮萊人之心而入萊則可以繫全齊之
命委一身於孤城示全齊之人以必死而劫之以不得不
救是公之居萊者所以救萊也賊尽銳合圍累旬決月慮

我師之乘其後必不敢解圍長驅是公之守萊者所以救
全齊也雖然世知公以死守萊之為功而不知其以死拒
抚之尤為功也賊以抗謾登以抗謾萊且以抗謾中朝而
獨不能謾公，死之後則至於悔明詔戕命使而萊卒堅
守不下公以死持之也故曰其功在萊登之抚疆吏主之
萊之抚中朝主之公之拒抚非拒賊也而拒中朝也拒求
抚之賊易拒上抚之中朝難以死拒賊易以必死拒中朝
難故曰其功在社稷

癸巳曹文詔揚嘉謨於揚三川斬賊二百四十九級

甲午降盜叛掠米脂官兵擊斬三百十級始竄

丁酉夜江寧地震

是月紅夷千餘人築城彭湖

湖廣流盜自吳國入江西泰和縣

五月戊戌朔甲辰總督洪承疇自綏德至西川与延綏巡抚張福臻合勦解散脅從八百餘人擒斬四百餘級

己酉存問前太子太保南京工部尚書丁賓時年九十

庚戌群盜掘鉄角賊耕收時電傷稼之食野掠復攻合水縣知縣施喬栢固守

甲寅南京吏部尚書謝陛言賊屢以抚啖我而我豎以抚自愚今狼狽如此聞抚之一字尚堅持不化墮賊術中而不之

覺咽喉要地豈堪再擲也

己卯德王常邦清薨

庚申周府柘城王肅孝薨

六月丁卯朔曹文詔擊隴西賊斬百餘級

辛未曹文詔擊賊方山敗之共斬三百二十六級隴西餘孽始尽初賊千餘人以敗餘流劫隴西官兵失利執通判張廷極

壬申河决孟津口橫浸教百里

癸酉襄城尉氏密縣大雨水溢鄆陵至浸城

甲申職方員外郎華允誠上言三大可惜四大可憂刺温辭

仁閔洪季 上詰回力允誠又極言其共謂私沈演曆世濟
等奪允誠俸

是月江西流盜自吉安攻抚州樂安掠崇仁

七月丁酉朔戊戌洪承疇擊賊延川斬二百餘級

福建海盜始流浙江過溫入台

辛丑總兵曹文詔劉秩角城賊中伏失利

壬寅司禮太監曹化淳提督京營戎政

逮巡抚宣府右僉都御史沈肇時揅漢虎墩兔慙犯張家口

求款市榮不以聞即答書設誓宴資太監王坤以聞逮訊之

命禮部驗朝鮮使臣市物兵部主事却規先赴會同館比市三

百八十餘件器城圖預為禁禮部尚書黃汝良叅提督會同員

外郎潘陳忠利其厚貨遂下獄戍鎮海衛

癸卯推官屈宜揚入萊城云叛兵且降欲一見防阮謝璉遂

主款遣萊州知府宋萬年出諭孔有德等下馬迎拜萬年復入

甲辰巡抚謝璉太監翟升偕朱萬年同出宣詔被執萬年亟

呼開門叛兵即殺之推官屈宜揚得入遂自經午後叛兵引

翟升至城下求登萊巡抚印不應而退萬年 人

貢士性勤敏預備糧芻設守具拒賊數月人心益固萬年

力也是日妾生子人幸其有後事聞贈光祿寺卿

己酉叛兵攻平度州

癸丑曹文詔楊麒等戰虎兒凹共斬賊六百五十餘級賊始
飢困

乙卯以馬士英為右僉都御史巡抚宣府

登州遼婦生子人身猴面二角雞足生即能言云八月日
関將軍助陣盡滅賊、面誥兇言如初殺之詣関將軍廟卜
不利毀其像

給事中馮元颺劾詹事府礼部尚書董其昌侍郎王應熊以
黃汝良不聽私囑肆譽傾陷何以為群僚表率也其昌乞罷
己未誅孫元化戍吳維城秦世英於邊宋光蘭王微戍近衛
癸亥紅夷犯福建銅山

甲子兵科都給事中汪

勅總督劉宇烈用推官屈宜揚

令往萊州諭叛兵亡叛兵欲見謝璉此宇烈縱寇毒而犹委
罪謝璉以希自免方宇烈受命叛兵初無悔禍宇烈一敗謬
希抚局奉旨不得玩泄終不聽也因而陳洪範購叛兵鄧玘
築昌邑城自固并不問萊城請兵則真定保定未足也索川
兵未足更索関外屬夷自春而夏自夏而秋宇烈之內寧足
食哉

張自烈曰孫元化余大成詭法玩寇堅持抚局一抚而黃
縣失再抚而登州失萊州圍覆車任前三尺童子知其不
可利宇烈仍以抚自愚何也古今應變異宜戰歎剿抚時違

為用然款可羈夷狄不可以秦畔賊撫可以誘飢民不可
以貸逆臣今賊諷日酷賊志日驕即幸為我抚將使之征
胡自贖此曹心懷不軌如虎傅翼潛與胡通為憂茲大將
使之仍鎮登萊負隅一方盤踞難拔是唐藩鎮之禍再見
今日也况彼負罪既深狡黠百出萬一不為我抚者哉律
以朝廷紀綱不可抚衛以登萊時勢不能抚宇烈並墮術
中恬不知慮今日通書明日遣官損師辱國莫此為甚則
深恨閣臣之謀國誤也周延儒輔政以來建魯弗靖山陝
流寇繼之流寇弗靖東省叛兵繼之滇南閩廣到處騷
延儒獨宴然不畫一策即登萊近事信一私昵之孫元化

以抚自愚東事既誤於始復用一庸懦之劉宇烈抚局不
變東事又誤於終惜哉

總兵曹文詔等擊賊斬三百三十餘級

流盜陷大寧縣

八月丙寅朔丁卯吏部尚書閔洪學罷

天壽山大雨水衝損慶陵室頂前工部尚書姚思仁削籍

甲戌曹文詔擊賊於甘泉擒斬九十六級

乙亥斬四百三十六級總督洪承疇今脅從辮髮者免殺逃
出環縣降四十餘人散者亦數千人官兵疾進又斬二百五
十餘級誅其渠師餘散匿山谷白廣恩殺其党來降齊一勲

却惟端俱降請殺賊自贖
叛兵攻高密

東路叅將牟文綬擊叛兵敗之

丙子登州叛兵欲航海先移家長山島官兵奪其路

丁丑套虜千餘騎窺甘肅涼州副總兵柳紹宗相希尹擊斬

百二十五級

庚辰 皇三子慈炯生

遼山東總督劉宇烈以玩寇失事戍之

辛巳叛兵撤精銳入登州北城將甯道總兵吳襄遂擁衆先

登

乙酉萊州叛兵遁官兵始抵城下復招遠再復黃縣始解圍

庚寅吳士元為國子祭酒

寧夏地震有聲

癸巳李長庚為吏部尚書

是月寧武兵潰於大軍鎮

盜陷壽陽時大兵東追賊於沁水又破石樓澤州殺州人叅

政張光奎後贈光祿寺少卿廕監

九月丙申朔戊戌石中允兼編脩倪元璐引疾去

壬寅韓日鑽為礼部尚書康新民為南京刑部尚書

孔有德敗入登州官軍圍之

巡抚山西右僉都御史宋統斃失事免

戊申張鳳翼為兵部尚書許鼎臣為右僉都御史巡抚山西左都御史陳于廷罷

以太監鄭良翰謝文奉扶進朝魏典盧文德提督京營戎政己酉流盜李自成陷脩武殺知縣劉鳳翔

庚戌華陽人李國泰故閣昔在京遇兵部差官李國安領牌往四川雲南國泰代行詐稱東廠訪事內使入滇見即報許抚普召声即至阿迷川普召声宅傳旨訖十月庚午還臨安召声亦疑之訴於巡按蔡侃訊之始得其實以聞

丙辰傳宗龍為兵部右侍郎總督薊遼

庚申賊掠新鄉

癸亥磁州道祝萬齡以毛兵八百人逐新鄉賊走陵川

甲子登州叛兵出戰副總兵丁思侯中砲死

海盜攻浙江健跳所城半月去之犯温州之黃華磐石

西安縣雨穀其粒長於常稻差黧黑

山西流盜破臨縣：天陰分守道潘光祖誤信招安致之賊魁王之臣掘其城李自成掠懷濟焚清化鎮河南巡抚樊尚燦以晋人之爭左良玉也奏言賊在山西垣曲漸近濟源請良玉近駐澤州此可以援高平長子東可以救陵川潞安西可以應陽城沁水為晋保境兼顧濟源是豫患未甚劇也

十月乙丑朔南^內宣遠巡撫宣府右僉都御史馬士英以擅啓守備

戊辰曾文詔攻賊於生高泉斬八百五十九級於寧州斬七十八級再戰於三水官家洞斬二百十二級

庚午登州降兵六百八人謀為賊外應机泄巡撫朱大典令回黃縣各給粟二斗輸登州塔山遼將祖大弼伏兵殺之

命前御史金聲中書舍人王應遴脩曆法

張廷登為左都御史張鵬雲焦源清為右僉都御史巡撫順天宣府

壬申惠王常潤奏江陵知縣史元調誣盜虐宗三殞三命下

抚按逮入

己亥登州叛兵出戰中叔營游擊程仲文中砲死

戊寅官兵攻登城左翼營守備祖邦棧中流矢死

己卯定海兵擊海寇敗之

庚辰海盜劉香犯福建小徑游擊鄭芝龍擊走之

癸未安塞遺賊掠西川胡空延綏巡撫陳奇瑜委總兵王承

恩擊斬一百三十二級賊目喬六自斬其黨魁以降餘遁延

綏稍安

丁亥周士樸為工部尚書

己丑叛兵入膠州海中

十一月乙未朔乙巳孔有德李九成以萬人出戰而敗棄登州九
成中彈死

雲南阿迷州故土官普召声妻萬氏子普福遠奏家奴龍得
者邪構囂稱兵各声雖故蒙恩曲宥遂縛二奴斬叛党百三
十二人亟首以獻

十二月甲子朔故大季士李庭机加贈少傅子榮順入監

丙寅登州叛兵航海半至黃縣

丁卯曹文詔戰耀州斬賊七百三十級於翎子山斬七十八
級餘北走進殲略尽其潜伏鳳凰山者漸集

戊辰御史吳姓言河決浸及祖陵命責河道尚書朱光祚同

漕運李待問勘奏

甲戌命順天尹祈雪

停開納事例詔曰朝廷分職設官原以任賢用能非可別開
俸濫乃十餘年來軍務須興群議足餉計臣條奏輸資並與
選授雖少助國家師徒之費然一時偶屬权宜事久必滋弊
蠹吏塗紛雜名器混淆有賢即可博官才品俱在勿論甚而
培克取償階厲已甚朕方慎稽流品抚恤痼瘼而開納不除
則源之不清流何能潔茲特諭各行停止不得再行援納
總督張宗衡巡抚許鼎臣同巡臨縣賊：轉入磨盤山：方
六百里閭正虎挾交城文水以窺太原刑滿川挾其城向陽

以窺汾州陳先道以秦兵豫兵元兵尽集澤潞東南遂乘虛掠東北從沁州武鄉連州榆社入榆次又入壽陽距太原不五十里許鼎臣徹臨縣之師更顧根本矣

乙亥命總督河道尚書朱光祚督守臣脩築淮揚決河戊寅嚴皇城守衛

庚辰南京礼部主事同龢請撤太監張彝憲略曰内臣用易而撤难此從來之通患今見因内臣而疑廷臣者多矣用廷臣而疑内臣無一鳥如彝憲用而高弘圖之骨鯁終不可容矣至如金絃孫肇與魏呈潤趙良曦曹文衡王弘祖馮師孔李曰輔之激直從開元之慷慨悉皆斥處未能收指尤可歎

者每讀印報半属内侍之過論從此以往鍛鍊臣子委囊天言祇徇中貴之心將不知所極矣上怒削其籍礼部員外郎袁絳咸疏救不聽

夏允彝曰烈皇帝大阿獨操非臣下所得竊用而海當奉措則内璫發其端以陰中而不覺也若滿朝之用舍榮枯一視首揆之趨向亦似為而陰移而不覺者當初政時不許内璫与廷臣交一私語廷臣遂忽璫輩不足顧而攻東林者默結之日以朋党之名中於上其時以通内自詡者史莖也輔臣錢龍錫之獄皆史擠之及其得去錢自云百大璫實心寃之不然必無生理温辭仁之陷錢謙益於

獄也譙益去元如髮人璫曹化淳憤而發奸棍陳張之陰
謀陳与張立枷死而錢釋矣薛国观之死也厰璫王化茂
實為之而周廷儒之死也則又小玉璫怒之也廷臣通內
漸亦不以為醜曹璫之喪其父也大臣与言路多往致祭焉
小玉璫喪母大臣亦多往送甚有倡為傳單者揚下之
諱其几卿不往惟鄭三俊程国祥耳廉耻道喪国事安得
不敗然此時璫輩特陰為播弄耳其畏上英明實甚也
甲申胡沾思為右僉都御史巡抚大同
乙酉鳳凰山賊斬其魁却惟端以降諸將分領入營还宜君
己丑命右少監刘芳為提督几門

壬辰有飯釜戴木甌飛霍山縣前市民陸和家
令百官進馬三品以上各一匹餘或合進俱納御馬監不過
賞金買之本監也否則外入雖駿驥亦却之

是年命鬻祠廟倉舖

莆田知縣張拱机徵賦激民变免官下臺訊

癸酉崇禎六年

正月癸己朔大風霾日生兩珥

丁酉流盜圍入畿南距順德百里時盜之大隊尚在山西零
騎數百分為二道一北向窺固關一南向懷慶衛輝尽遭蹂
躪矣 拾事中孟国祚言畿南咽喉重地順德為大今晉有

曹文詔張應昌豫有左良玉鄧玘賊將何之乎昔之秦毆於

晉：毆於豫者今轉而毆之順德矣

庚子運舟出天津海口颶風覆之
壬寅盜在邢臺於三省交界摩天嶺窄道山崖羊腸小徑直
犯武安

癸卯人犯陽城叅將芮琦守恪王德統死之

乙巳曹文詔剿賊霍州值賊萬餘渡汾河擊斬二百三十四
級

丙子張我情論死追贖十八萬有奇
史可法為江西叅政

丁未總兵左良玉破賊於涉縣西坡斬其渠賊望其旗幟皆

靡然耽：未忘中州也

辛亥京師大雪深二尺餘

工部郎中孫肇與下獄

癸丑復臨縣叅將劉光祚功居多光祚前被逮得釋初分守

道潘光祖誤信劣生梁明倫招安致城陷明倫約永寧山賊

劫我營難民總城出報官兵詐為陝賊至山中斬之尋逮光

祖

錦衣衛右都督田弘遇乞肩輿不許謂勳戚加恩不得自行

陳乞

甲寅留兩淮鹽課十萬充餉容兵

乙卯蔡夫琛為刑部右侍郎

丁巳曹文詔擊賊孟縣斬九百十六級時圍孟縣

戊午前御史黃宗昌削籍

己未大季士周延儒以宣府閱視太監王坤疏奏乞罷不允

庚申遣催外餉十一人

辛酉馬鳴世為南京右僉都御史提督操江

壬戌大風霾

曹文詔追賊壽陽斬四百四十餘級

二月癸亥朔建昌軍沈季之家生豕二身一首八蹄二尾

黃道周陞辭奏臣自少學易以天道為準以詩春秋推其運
候上下載籍二千四百年考其治亂百不失一臣所奉本於
周孔無一毫穿鑿其法以春秋元年己未為始加五十有五
得周幽王甲子其明年十月辛酉朔日食以是上下中分二
千一百六十年內損十四得洪武元年戊申為大明資始戊
申距今六百六十四年以乾屯需師別之三卦五爻丁卯大
嘗入師之上六是 陛下御極之元年止當師上六其詞曰
大君有命開國承家小人勿用自有易詞告誡人事未有深
切明著若此者也凡易一卦直六十七年零一百五日一爻
直十一年零十七日有奇合歷十分之四矣

丙寅叅將猛如虎擊賊解慈村斬五十級

戊辰曹文詔追賊於固莊賊北走斬五百級於碧霞村斬二百五十餘級巡抚許鼎臣請文詔在平定是太原之東也李卑佐之張應昌在汾州是太原之西也賀人龍佐之餘為游兵

召左都御史張廷登曰風紀重地向來考核御史之法不能實行今察吏安民莫先考核卿其勵之

庚午召廷臣於文華殿謂左副都御史王志道曰遣用內臣原非得已朕言甚明何議論之煩也王坤疏朕已責其率妄乃廷臣糾劾莫不牽引內臣豈處分各官皆為內臣耶對曰

王坤叅及輔臣舉朝皇為紀綱法度之憂內臣既可糾廷臣亦可糾內臣為法度惜非為諸臣地也上曰朕見

廷臣於國家大計不之言因內臣在鎮未便作弊借王坤疏杖制朝廷誠好巧也且文武各臣朕未嘗不用因其蒙狗勉用內臣耳周廷儒等請優容上色稍霽廷儒曰志道非專

論內臣實責臣等溺職上曰朕掌不修敢名立論何堪憲紀命志道進語吏部尚書李長庚兵部尚書張夔翼曰吏兵二部用人根本用一官輒賄借京債赴任安得不股民卿須盡革其弊文選取方二司尤要

辛巳沈珣為右副都御史巡抚山東

壬午曹文詔戰大谷斬三百三十級賊亦餘走垣曲
丙戌應天解段四千三百三十四匹承運庫太監周禮驗退
二千六百七十八匹責改造於是應天府尹啓士龍言通判
成克延督織造亦引咎
賊氛益熾七輝縣之百泉書院三日尋北踞林縣山中於是
趙村飢民相望而起河南兵七千先後失亡殆盡左良玉勢
成孤注不得已請鄧玘兵
丁亥流賊再犯濟源懷慶中軍曹鳴鶴以兵千餘敗沒
戎子山海關永平大雨水壞城郭田舍人畜亡笑
垣曲典史秦宗文以義勇百餘人逐賊聞喜死之

辛卯曹文詔斬榆林賊二百四十三級文詔屢捷惟山西總
兵張應昌逗遛不進於是賊渠王自用從榆社敗北奔恭將
艾萬年賀人龍斬之

諭都察院曰近來民窮多盜皆由親民之官貪殘所致妄取
民財彌縫津要所以舉劾不當貪人得志小民愈苦近聞近
畿州縣未徵錢糧火耗先比又於此外巧立名色不論有罪
概加罰贖取民物不償其值或因小事以赫取或听胥役以
剝詐甚至逞忿酷斃無辜種害民難以悉數即命巡按御
史速行體訪擬實具奏不許寬庇隱徇朕如別有所聞一辭
論罪又論禮部曰設科取士專為求賢近來士習日偷貢奉

失當此皆督學司教董率乖方培養無術以致朝廷不獲收
用人之效朕思人才必宜首重德行如果孝弟廉謹自然不
貪不欺尽忠竭節何必專工文藝按會典提學勅書內教尚
行誼以勵頽俗不專論文優劣近不遵行至小季反州縣社
季原欲養蒙儲才近不與季士子惟以富貴為志竟不知立
身脩行忠君愛民之道如此教化不明士風吏治安得不日
趨於卑乎朕款童子必入小季遇試先核德行自儒士以及
鄉會須必有實行方許入場異日敗行考官併論文教官為士
子師長化導最親近來衰庸充教教術全廢此尤士風不正
之源今須設法共起至于四海之大豈無潛脩碩德積學弘

才清直剛方實堪大用者更宜特拔一二以示風勸科道不
必專出考選館員須應先歷推知并酌議來行

三月壬辰朔玄默為右金都御史巡撫河南

辛丑賀人龍誤聞太原兵變其兵半潰

壬辰曹文詔追賊於澤州斬三百六十級

癸卯左良玉敗賊於林沿溪橋斬七十七人

常自裕請調鄧玘川兵四千人協剿

丁未會同館火藥災

曹文詔戰沁水斬四百九十級

庚戌初考廷外官屢命嚴核逋稅華亭知縣鄭友玄預選缺

額下友玄刑部獄戶部郎中蘇夢龍誦外

辛亥旌岷府鎮國中尉金鉞孝行

初刑科給事中陳贊化劾大孝士周廷儒以游客李元功醫官張景韶通賄命下元功鎮撫司廷儒奏辨贊化又劾言前中書舍人吳之瑞條議鹽政奸商徐一清等賄之瑞三千金延儒万金游客李元功亦五千金元功繫書役結納延儒納賄招权臣鄉湖廣副使張鳳翼前於崇禎四年夏述延儒語去輔李標 上先允效余封还原疏 上遂改留余有回天之力看来 今上是義皇上人此語豈徒小人之輕泄乎至借停刑以罔利此通國所共聞也 刑科給事中李世祺為

証贊化又謂延儒託中書李季禮過臣寓臣拒之李元功借威嚇人泄旨市利張景韶賄發之日延儒登臣門通刺則輔臣幹旋可知而彼之私延儒又可知也景韶賄多俸免提訊非延儒乎其稱 皇上為義皇上人臣不知何解李世祺亦奏延儒屢有此言第恐輕泄不敢耳

甲寅前高平知縣喬淳給事中楊時化俱奪職逮入京訊之賊破上津縣

丙戌夜賊陷鎮安執知縣趙瑞庭後釋還以城印俱失逮之丁亥大風雪雷電

是年陝西山西大飢

總理戶工二部太監張彝憲請入覲官授冊以隆體統許之
淳奏楊時化嘗為庫吏帝廷棟居間臣不聽故劾臣也

丙辰蜀賊攻蒼溪不下遂走廣元同知張鵬起戰二節聞大
敗殺守備張應甲黃朝奎

吏科給事中劉斯崧劾稽勳郎中牟道行驛衛賣官急選自
掣畿私改乞褫斥之

丁巳張應昌擊賊斬二百十九級擒十人

戊午吳平知熙楊天際入覲至陝州乾濠鎮值寇創甚并失
稅金千四百有奇各州縣入覲官俱阻巡按陝西御史范復
辨以聞

己未蜀賊攻百丈關守備郭霈辰陳中敗沒

庚申官兵戰龍潭斬百餘級被圍而潰賊圍廣元七日

辛酉六安州桃源縣大風雨雹傷麥

癸十萬金命御史陳乾陽賑山西飢鄧陵雀巢樹上形如鵝
爪百十為群共巢一

四月壬戌朔苗胙土為右倉都御史撫治鄖陽

丙寅賊破平順殺知縣徐明揚

壬申官兵敗賊於武安

癸酉張應昌敗賊斬一百八十四級擒十二人

鄭芝龍剿劉香於雷州

乙亥曹文詔敗賊陽城斬一千五十餘級文詔移大同總兵